

funem trahentes<sup>1</sup>, sed triplicem caritatis Christi resticulum trahentes, qui<sup>a</sup> exploratores c. 793 Iesu Nave<sup>b</sup> de peritura Hierico salvavit; de cuius perditione nos pariter fugere<sup>c</sup> festine Ios. 2, 15. suppliciter exhortor, et nihil de anathemate illius desiderare. Nam quicquid doctrinarum extra ecclesiastice fidei et apostolicae doctrinae muros<sup>d</sup> invenitur, Hierichontine perditionis anathemati<sup>e</sup> tradendum est. Quapropter, karissime frater, te per sanguinem salutis nostrae humiliter obsecro, ut caveas diligenter, ne quid apud te exuviarum Ios. 7, 21. perditae civitatis inveniatur, ne pars populi Dei propter improbitatem unius hominis, licet sit de tribu Iuda, fugiens proelia Domini, et corrui coram hostibus suis. Recollige<sup>f</sup> te ipsum cum consociis tuis in castra regis superni, et si alicubi lapso 10 pede titubasti, reforma gressum, et sta in gradu tuo, et fortiter proeliare bella Domini. Dan. 10, 11. Ecce Iesus levat clypeum ante te. Revertere et persequentes te hostes trucidare non desine, donec ad palmam victoriae pervenias.

Non est hereticus, nisi ex contentione. Noli contendere frustra; claret enim evangelica per totum orbem doctrina: hanc unianimiter teneamus et fideliter prae- 15 dicemus. Quid nos homunculi in fine seculi<sup>2</sup>, refrigesciente caritate multorum, melius Matth. 24, 12. excogitare poterimus, quam ut tota animi intentione apostolicam et evangelicam omni fidei firmitate et veritate sequamur doctrinam, non nova fingentes nomina, non inconsuetum quid proferentes, non nomini nostro per novitatem cuiuslibet doctrinae vanam cantantes laudem, ne inveniamur reprehensibiles, ubi laudabiles esse desideravimus. Convertere in spe ad domini Dei tui sanctissimam clementiam, et deprecare 20 eum die noctuque, ut extremos dies vite tuae in viam veritatis et fidei catholicae pacem convertat, ne si te hic sanctitas universalis ecclesiae respuat, illic te in aeterna pace habere contradicat. Memento sententiam domini dei Christi, et privilegium magnae auctoritatis, quod suae sanctae concessit ecclesiae dicens: 'Amen dico vobis, Matth. 18, 18. 25 quia quaecumque alligaveritis super terram, erunt ligata et in caelis, et quaecumque solveritis super terram', reliqua<sup>g</sup>. Ecce qualis auctoritas sanctae Dei ecclesiae; ecce qualis terror recedentibus ab ea. Scimus enim unam esse sanctam Dei ecclesiam, de qua in symbulo catholico decantare solemus: 'Unam sanctam catholicam et apostolicam ecclesiam'. De qua et ipse sponsus decantavit: 'Una est columba mea, Cant. 6, 8. 30 perfecta mea, immaculata mea, electa genetrici suae. Viderunt eam filiae, et beatissimam praedicaverunt'.

Ecce scismaticus error partem rumpit ab ea, et caritatis unitatem maculavit. Igitur in nobis vel in vobis remansit ecclesia. Duae enim partes sunt, et non est unitatis concordia. Nos toto mundo teste clamamus Christum verum Dei esse filium, 35 sicut Iohannes Deo dilectus discipulus post multa testimonia, quae in evangelio suo de unigeniti nativitate secundum carnem protestari solet, hoc addidit: 'Multa quidem Ioh. 20, 30, 31. et alia signa fecit Iesus in conspectu discipulorum eius, quae non sunt scripta in libro hoc. Haec autem scripta sunt, ut credatis, quia Iesus Christus filius Dei, et ut credentes vitam habeatis in nomine ipsius'. Quid<sup>3</sup> post tale tonitruum dubitatis, 40 fingentes nativitatem illius novum adoptionis nomen, quod in toto veteris novique testamenti serie non invenitur<sup>h</sup>. Cognoscite, viri fratres, quam parvum est Christo deo plures non habere electos in hoc mundo, quam vos paucos; latiore non habere ecclesiam, quam intra angustiae vestrae terminos<sup>i</sup> sitam. Ubi est potestas Petro

<sup>a</sup>) q; S.    <sup>b</sup>) nri S.    <sup>c</sup>) fuge S.    <sup>d</sup>) muro S.    <sup>e</sup>) anathemate S.    <sup>f</sup>) recolligi S.    <sup>g</sup>) rt S.  
45 <sup>h</sup>) de Christo add. Alc. adv. Fel.    <sup>i</sup>) termino S.

1) Cf. infra ep. 145: Nec ego cum quolibet contentiosum funem trahere velim.    2) Alcuini opp. ed. Frobenius I, 791: in ultimo tempore mundi.    3) Cf. Alc. adv. Felic. l. II c. 5 (Opp. I, 804): Opposui etiam et nos dixisse inter alia: Quid post tale — invenitur.